



**Rendaquint 2021 – rapport da revisiun intern**

Insembel cul Büro da revisiun da quint extern, la cumischiu sindicatoria e la direcziun operativa ha la suprastanza cumünala discutà e tut a cogniziu dal rapport da revisiun intern dal rendaquint finanzial annual 2021.

**EW Zernez - proget rait electrica e fibr'optica Runatsch/Palü - dumonda da credit extraordinari**

Cuntschaïntamaing es gnü instradà ün proget da schlargiamaint dal provedimaint central da chalur i'ls quartiers Runatsch e Palü a Zernez. In quist connex as es gnü a la conclusiun chi fess sen d'agiundscher al listess mumaint in quist proget büschens e cables per la rait electrica e per quella da fibr'optica. Il concept ed üna stima da cuosts per la part electrica e fibr'optica ha pudü gnir elavurà dals responsabels da l'EW Zernez. La suprastanza cumünala ha deliberà ün credit extraordinari da 115'000 chf per pudair realisar quista part da proget insembel cul proget manzunà dal provedimaint central da chalur cumünal.

**ICT cumün - support d'informatica - dumonda d'ün credit supplementar**

Il gremi responsabel ha deliberà ün credit da s-chars 22'000 chf per la cumpra d'ün paket da 150 uras da support d'informatica extern tras la firma Alphacom, Domat/Ems.